

春秋後傳

九之十  
終

漢書門類			
二〇六	三	九	三
一	三	九	三
五	八	五	冊

內閣文庫			
三	二	〇	漢
九	五	〇	書
一	八	六	
〇	五	三	
架	冊	號	類

內閣文庫	
番號	漢 2063
冊數	395 (311)
函號	209-108





陳止齋春秋後傳卷第九

淺草文庫

襄公

元年春王正月公即位仲孫蔑會晉欒黶宋華元衛

甯殖曹人莒人邾人滕人薛人圍宋彭城有傳并公羊穀梁傳夏

晉韓厥帥師伐鄭仲孫蔑會齊崔杼曹人邾人杞人

次于郟


會伐未有言次者據成十六年晉伐鄭諸侯之師次于鄭西我師次于督揚此其言次何

從晉而未決也悼承厲公之烈盟虛打遂合諸侯

討宋魚石爭彭城於楚天下知鄉方矣而五國之

大夫猶未以其衆會韓厥之師是有待也亦以見

再伯之難也





秋楚公子壬夫帥師侵宋九月辛酉天王崩邾子來朝冬衛侯使公孫剽來聘晉侯使荀瑩來聘

二年春王正月葬簡王鄭師伐宋夏五月庚寅夫人

姜氏薨六月庚辰鄭伯踰卒晉師宋師衛甯殖侵鄭

秋七月仲孫蔑會晉荀瑩宋華元衛孫林父曹人邾

人于戚已丑葬我小君齊姜叔孫豹如宋冬仲孫蔑

會晉荀瑩齊崔杼宋華元衛孫林父曹人邾人滕人

薛人小邾人于戚遂城虎牢楚殺其大夫公子申

三年春楚公子嬰齊帥師伐吳

於是楚伐吳吳人伐楚取駕則其但書伐吳何春

秋於晉楚之際嚴矣於吳楚未嘗無差等也是故

楚伐吳悉書之吳伐楚必若過也門于巢卒而後

書

公如晉夏四月壬戌公及晉侯盟於長樗公至自晉

六月公會單子晉侯宋公衛侯鄭伯莒子邾子齊世

子光已未同盟于雞澤陳侯使表僑如會戊寅叔孫

豹及諸侯之大夫及陳表僑盟

以大夫盟表僑晉侯不欲表僑詘諸侯也雖然有

諸侯在而大夫盟於是始晉悼公為之也諸侯在

焉而大夫自為盟而後大夫專盟矣大夫專盟自

宋始餘從穀梁

秋公至自會冬晉荀瑩帥師伐許



四年春王三月己酉陳侯午卒夏叔孫豹如晉秋七月戊子夫人妣氏薨葬陳成公八月辛亥葬我小君定妣冬公如晉陳人圍頓

五年春公至自晉夏鄭伯使公子發來聘叔孫豹鄆世子巫如晉有傳仲孫蔑衛孫林父會吳于善道秋大雩楚殺其大夫公子壬夫

傳曰君子謂楚共王於是不刑莊王卒以大夫盟諸侯納宋魚石殺公子側公子申公子壬夫楚遂不競而晉復霸是故晉悼公之春秋楚有諸侯之事亦不悉書也於襄三年公子何忌侵陳不書四年彭名侵陳不書

公會晉侯宋公陳侯衛侯鄭伯曹伯莒子邾子滕子薛伯齊世子光吳人鄆人于戚

於是盟于戚吳初與諸侯盟也不書盟為晉諱也

吳晉之盟春秋終諱之見哀十三年蒲之役將始會吳吳

不至事在成九年傳雞澤之役又逆吳子吳子不至吳固不

敢自列於諸夏也而晉求之急吳始稱人序於鄆

人之上於是至相十年又殊會之晉厲公以殊會會吳

未足為中國患也悼公復以殊會會吳吳於是滅州

來敗頓胡沈蔡陳許之師滅巢入郟矣

公至自會冬成陳

成不書桓六年成齊宣十年成鄭之類晉悼公之成陳鄭也特書之君

陳侯午卒後傳卷九

三

通志堂



子以悼公之伯業桓文之所不屑為也桓公不戰而屈楚文公戰而屈楚自悼公而通吳以制楚矣會于戚于向于柎皆東竟也而又戍陳鄭以守之楚誠強而晉亦誠下策也

楚公子貞帥師伐陳公會晉侯宋公衛侯鄭伯曹伯齊世子光救陳

書救陳何陳不服也陳自辰陵不與諸夏之會三十年矣悼公伯而雞澤之盟袁僑至戚之會陳侯至諸侯為之戍陳而楚有公子貞之師于是救陳又明年會于鄆陳侯逃歸自是凡會同無陳矣十有二月公至自救陳辛未季孫行父卒

六年春王三月壬午杞伯姑容卒有傳說在章指夏宋華弱來

奔秋葬杞桓公滕子來朝莒人滅鄆冬叔孫豹如邾

季孫宿如晉十有二月齊侯滅萊

七年春邾子來朝夏四月三卜郊不從乃免牲小邾

子來朝城費秋季孫宿如衛八月螽冬十月衛侯使

孫林父來聘壬戌及孫林父盟楚公子貞帥師圍陳


楚雖圍國嘗書君將矣於是書大夫楚強甚矣

十有二月公會晉侯宋公陳侯衛侯曹伯莒子邾子

于鄆鄭伯髡頑如會未見諸侯丙戌卒于鄆

此公子駢弒其君也則其書卒何以君薨赴也本杜預

君弒矣晏然計於他國但如恒喪自鄭駢始甚矣





無人紀也而鄭之臣子聽焉自有討賊至于不討  
 自不討矣至於赴告如恆喪春秋之所甚懼也是  
 故書卒所以誅鄭之臣子聽賊之所為也夫春秋  
 之法苟有逆意于其君雖自殺也據楚亦書弑此弑  
 也吾從而卒之則何以傳信于萬世不卒之無以  
 著鄭人之心也崔杼弑其君齊太史書之杼殺之  
 其弟嗣書之南史執簡以往陳恒弑其君孔子沐  
 浴而朝告於哀公曰請討之弑君天下之大變也  
 名在諸侯之策誰能沒之史見其事春秋著其心  
 則後世有考焉矣

陳侯逃歸

八年春王正月公如晉夏葬鄭僖公鄭人侵蔡獲蔡

公子燮有穀  
梁傳

此鄭公子發也貶人之

季孫宿會晉侯鄭伯齊人宋人衛人邾人于邢丘有傳

此齊高厚宋向戌衛甯殖也其稱人何不以大夫  
 敵盟主也不以大夫敵盟主桓文之盛也自同盟  
 于戚而大夫與諸侯序矣於是再見其再見何復  
 予晉以伯也傳曰大夫不書尊晉侯也

公至自晉莒人伐我東鄙秋九月大雩冬楚公子貞  
 帥師伐鄭晉侯使士匄來聘

九年春宋災夏季孫宿如晉五月辛酉夫人姜氏薨



秋八月癸未葬我小君穆姜冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭十有二月己亥同盟于戲楚子伐鄭

十年春公會晉侯宋公衛侯曹伯莒子邾子滕子薛伯杞伯小邾子齊世子光會吳于柤夏五月甲午遂滅偃陽

傳曰言自會也滅貶人之此其不申言晉人何楚

滅嘗稱君矣自楚滅稱君事在宣十二年苟君將也則皆書

君是故滅萊書齊侯滅偃陽書晉侯自楚滅稱大

夫事在二十五年苟大夫將也則皆書大夫是故滅陸渾之

戎書晉荀吳滅沈書蔡公孫姓滅許書鄭游速自

是終春秋滅不書君大夫者吳也是經之變文也

於是以偃陽子歸不書宥偃陽子也悼公合十三

國之衆為衣裳之會而遂滅偃陽於偃陽子何譏

焉夫子之刪詩也存邶鄘於國風之首而繫檜曹

于末錄小國也春秋元錄小國也是故滅君有奔

不言奔以歸不言以歸者以是為非其罪也據昭十七年陸

渾子奔楚不書奔

公至自會楚公子貞鄭公孫輒帥師伐宋

凡專將言帥師苟二國會則先序主兵者而不言

帥師言帥師是國自為帥也國自為帥自楚公子

貞鄭公孫輒始自是雖圍滅亦並稱帥師矣事在定十四年





哀三年

晉師伐秦

此荀瑩也曷為貶書師秦晉之師非會伐皆不書大夫

秋莒人伐我東鄙公會晉侯宋公衛侯曹伯莒子邾子齊世子光滕子薛伯杞伯小邾子伐鄭冬盜殺鄭公子駢公子發公孫輒有傳

盜賤者也以賤者而一日殺三卿鄭之失政甚矣書盜自此始傳曰言無大夫焉春秋之季小臣圖柄其甚者陪臣執國命矣是故衛周冶殺元咺宋穆襄之族帥國人殺公孫固公孫鄭雖賤者也猶

未書盜必若鄭五子而後書盜諸侯貶書人聽諸侯之辭也大夫貶書人聽大夫之辭也書盜則聽不止大夫矣春秋所甚不得已也

戍鄭虎牢有傳

向也曰虎牢今也曰鄭虎牢何不繫之鄭者為天下城之也繫之鄭者為鄭戍之也是故楚丘不繫之衛緣陵不繫之杞梁山沙鹿不繫之晉皆非一國之辭也邾郚部繫之紀彭城繫之宋皆一國之辭也

楚公子貞帥師救鄭

楚數救鄭矣不書見傳宣元年為賈二年闞椒成九年子重於

十六年楚子十七年子重公子申之類

通志堂



是始書以為晉悼復伯楚欲救而不能也是故書救陳見晉之終失陳書救鄭見楚之終失鄭云爾公至自伐鄭

十有一年春王正月作三軍有傳

於是季武子作三軍非公命也向也新作南門非公命不書此何以書作南門常事作三軍非常也是故必常事譏不及公則不書苟非常則謹書之書作三軍志三家之分公室也立武宮立煬宮雖非公命皆非常也

夏四月卜郊不從乃不郊鄭公孫舍之帥師侵宋公會晉侯宋公衛侯曹伯齊世子光莒子邾子滕子

薛伯杞伯小邾子伐鄭

隱桓之諸侯皆序爵也伯者作而後小國或序大國之上有以子男長於伯者矣於是世子長於小國之君則悼公為之也十年伐鄭長於滕至是長於莒

秋七月己未同盟于亳城北公至自伐鄭楚子鄭伯伐宋公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚公穀有傳

有地會而後伐者矣據會于袁伐鄭會于召陵伐楚未有伐而後地會者也地會而後伐未集事之辭也伐而後地會集事之辭也伐鄭會于蕭魚序績也

公至自會楚人執鄭行人良霄冬秦人伐晉





十有二年春王三月莒人伐我東鄙圍台季孫宿帥師救台遂入鄆公穀有傳夏晉侯使士魴來聘秋九月吳子乘卒冬楚公子貞帥師侵宋公如晉

十有三年春公至自晉夏取郟凡例辨在纂例秋九月庚辰楚子審卒冬城防

十有四年春王正月季孫宿叔老會晉士匄齊人宋人衛人鄭公孫薑曹人莒人邾人滕人杞人小邾人會吳于向

此齊崔杼宋華閱衛北宮括也其特書人何傳曰惰也則不親事于會也向之會悼德衰矣數吳之不德以退吳人而卒會吳執莒公子務婁以其通

楚使也而卒會莒諸侯之大夫從晉侯伐秦而悼不自將諸侯之師及涇不濟荀偃藥廩一帥爭而大眾還晉人謂之遷延之役是故伐秦之役不書晉侯志晉侯之怠也則諸侯之大夫有不親事於會者矣有伯者之令而大夫不親事於是始悼公為之也自是會于澶淵晉趙武宋向戌不書書鄭良霄於城杞鄭游吉不書書公孫段則君令多不行於大夫矣

三月乙未朔日有食之夏四月叔孫豹會晉荀偃齊人宋人衛北宮括鄭公孫薑曹人莒人邾人滕人薛人杞人小邾人伐秦



荀偃嘗弒君矣偃書會伐如他大夫無貶焉然則偃無罪歟以陳佗之罪不著于春秋有殺之者則予之以討賊之辭則偃罪不容誅矣其再見猶趙盾焉爾

己未衛侯出奔齊莒人侵我東鄙秋楚公子貞帥師伐吳冬季孫宿會晉士匄宋華閱衛孫林父鄭公孫薑莒人邾人于戚

襄昭之際大夫無君之禍晉為之也悼公之德衰矣

十有五年春宋公使向戌來聘二月己亥及向戌盟于劉劉夏逆王后于齊

單靖公不行也

夏齊侯伐我北鄙圍成公救成至遇

公羊有傳

自宣之季年內不言君將於是書救成而不敢進無惑乎三家之專魯也

季孫宿叔孫豹帥師城成郟秋八月丁巳日有食之邾人伐我南鄙冬十有一月癸亥晉侯周卒

十有六年春王正月葬晉悼公三月公會晉侯宋公衛侯鄭伯曹伯莒子邾子薛伯杞伯小邾子于淇梁

戊寅大夫盟

公羊有傳

凡伯在焉而但曰諸侯者無伯也文十五年盟扈十七年會扈君在焉而但曰大夫者無君也是故自文而下則有斥



言諸侯而不序自襄而下則有斥言大夫而不序  
 晉人執莒子邾子以歸齊侯伐我北鄙夏公至自會  
 五月甲子地震叔老會鄭伯晉荀偃衛甯殖宋人伐  
 許有傳

鄭非主兵也則曷為會鄭伯春秋不以大夫主諸  
 侯則推而屬之鄭也春秋之大義夷夏之辨君臣  
 之分而已是故陳非主盟也不以夷狄主中國則  
 書會陳事在僖十九年鄭非主兵也不以大夫主諸侯則書  
 會鄭

秋齊侯伐我北鄙圍成大雪冬叔孫豹如晉  
 十有七年春王二月庚午邾子貜卒宋人伐陳


莊朝宋微者也曷為得書人微者唯討賊得書人  
 大夫交征于中國而後微者書人是故鄭皇武書

成十八年

宋莊朝書甚者秦庶長鮑越常壽過書

夏衛石買帥師伐曹秋齊侯伐我北鄙圍桃高厚帥  
 師伐我北鄙圍防九月大雪宋華臣出奔陳冬邾人  
 伐我南鄙

十有八年春白狄來夏晉人執衛行人石買秋齊師  
 伐我北鄙冬十月公會晉侯宋公衛侯鄭伯曹伯莒  
 子邾子滕子薛伯杞伯小邾子同圍齊  
 同圍齊不但晉志也自圍齊之後晉師無君將雖  
 大夫之師出無與於諸夏之義矣





曹伯負芻卒于師楚公子午帥師伐鄭

十有九年春王正月諸侯盟于祝柯

會無王卿士其亦申言諸侯何間有事也

晉人執邾子公至自伐齊取邾田自漵水季孫宿如

晉葬曹成公夏衛孫林父帥師伐齊秋七月辛卯齊

侯環卒晉士匄帥師侵齊至穀聞齊侯卒乃還有公羊傳八

月丙辰仲孫蔑卒齊殺其大夫高厚有公羊傳鄭殺其大夫

公子嘉有公羊傳冬葬齊靈公城西郭叔孫豹會晉士匄于

柯城武城

二十年春王正月辛亥仲孫速會莒人盟于向夏六

月庚申公會晉侯齊侯宋公衛侯鄭伯曹伯莒子邾

子滕子薛伯杞伯小邾子盟于澶淵秋公至自會仲

孫速帥師伐邾蔡殺其大夫公子變有公羊傳蔡公子履出

奔楚陳侯之弟黃出奔楚傳非是叔老如齊冬十月丙辰

朔日有食之季孫宿如宋

二十有一年春王正月公如晉邾庶其以漆閭丘來

奔有公羊傳

於是公猶在晉季孫宿內之也向者莒太子僕弑

其君以其寶玉來奔納諸宣公矣季文子使司寇

出諸竟則不書公猶在晉而季孫宿納庶其則何

以書春秋誅叛人君臣之責也是故苟不納之雖

有公命不書苟納之雖無公命必謹而書之



夏公至自晉秋晉樂盈出奔楚九月庚戌朔日有食  
 之冬十月庚辰朔日有食之曹伯來朝公會晉侯齊  
 侯宋公衛侯鄭伯曹伯莒子邾子于商任左曰錮藥氏也  
 二十有二年春王正月公至自會夏四月秋七月辛  
 酉叔老卒冬公會晉侯齊侯宋公衛侯鄭伯曹伯莒  
 子邾子薛伯杞伯小邾子于沙隨左曰復錮藥氏也公至自會  
 楚殺其大夫公子追舒  
 二十有三年春王二月癸酉朔日有食之三月己巳  
 杞伯旬卒夏邾畀我來奔葬杞孝公陳殺其大夫慶  
 虎及慶寅

於是陳侯如楚公子黃愬二慶於楚楚人召之慶

氏以陳叛屈建從陳侯圍陳遂殺慶虎慶寅故春  
 秋未書叛而稱國以殺猶是殺大夫焉爾叛必不  
 能殺者也

陳侯之弟黃自楚歸于陳晉樂盈復入于晉入于曲  
 沃秋齊侯伐衛遂伐晉

此其書遂何齊始伐盟主也自表婁以來齊世從  
 晉於是始叛則晉伯之衰而諸侯貳矣晉之衰諸  
 夏之憂也

八月叔孫豹帥師救晉次于雍榆  
 次而救匿其救之形也救而次宣其救之聲也書  
 救晉何晉遂失伯也以區區之魯何救於晉則晉



遂失伯非魯故也書救晉則天下益多故矣盟于宋而南北之勢成會于申而淮夷至戰于雞父而吳之敗者六國於越入吳春秋終焉蓋於是焉始故謹而書之也是故自救盟主他救皆不書

年晉以諸侯之師救宋三十年楚沈尹戌救徐之類

據傳昭二十一

己卯仲孫速卒冬十月乙亥臧孫紇出奔邾晉人殺

欒盈


有傳公羊同

討亂不書殺欒盈何以書討亂常事殺欒盈非常也欒盈亡大夫爾則曷為謂之非常晉為盟主而再合諸侯于商任于沙隨以錮欒氏則是非常也盈之入也晉人大懼奉君以走固宮而盈以曲沃

之甲乘公門矢及君屋蓋僅焉克之而已書殺欒盈猶州吁無知是非常之辭也雖然欒盈復不言自錮亂臣也則以討賊之辭書之鄭良霄言自曷為書之如欒盈良霄雖亡大夫爾鄭伯為之盟大夫盟國人良霄自墓門之瀆入因馬師頡介于襄庫以伐舊北門書殺良霄如書殺欒盈亦非常之辭也甚矣文公而下諸侯無政大夫強也

齊侯襲莒

二十有四年春叔孫豹如晉仲孫羯帥師侵齊夏楚子伐吳秋七月甲子朔日有食之既齊崔杼帥師伐莒大水八月癸巳朔日有食之公會晉侯宋公衛侯





鄭伯曹伯莒子邾子滕子薛伯杞伯小邾子于夷儀  
冬楚子蔡侯陳侯許男伐鄭公至自會陳鍼宜咎出  
奔楚叔孫豹如京師大饑

二十有五年春齊崔杼帥師伐我北鄙夏五月乙亥  
齊崔杼弑其君光

宋萬魯慶父奔而後得誅之則不書殺以是為佚  
賊也齊滅崔氏而尸杼於市則何以亦不書殺均  
之為佚賊也崔杼弑君偃然猶在位也而以家禍  
亾其宗如是而得書則臣子之不誠於君父者可  
以盜名矣是故鄭人斲公子歸生之棺而葬靈公  
齊人暴崔杼之尸而葬莊公春秋終不書葬則猶

不葬也

公會晉侯宋公衛侯鄭伯曹伯莒子邾子滕子薛伯  
杞伯小邾子于夷儀六月壬子鄭公孫舍之帥師入  
陳秋八月己巳諸侯同盟于重丘

會無王人亦申言諸侯義同祝柯

公至自會衛侯入于夷儀

奔君恒名之此其不名何伯逆之也故書曰晉侯  
會于夷儀衛侯入于夷儀衛侯失國矣而伯納之  
則異於他人者矣不名之非失國之辭也是故奔  
稱衛侯行有晉逆之則稱衛侯奔稱北燕伯欵有  
齊納之則稱北燕伯衛有二君俄而甯喜之弑械





成則晉人為之也何謂二君衍入稱侯剽弒稱君  
 是二君也國無二尊春秋之法也是故鄭厲公入  
 則忽雖嘗謂之昭公晉文公入則圍雖嘗謂之懷  
 公皆不書殺以是為失國之君爾而書殺是有二  
 尊也今夫衍列於諸侯之會十有三而後出其入  
 也將焉名之剽列於諸侯之會七而後弒其弒也  
 又將焉名之削一而存一是有予奪矣春秋不沒  
 其實而正不正不與存焉故必若鄭忽晉圍則春  
 秋所得而廢苟若剽衍則春秋所不得而廢

伯過于垂為鄭子儀  
 非是當從胡氏

杜氏蘇  
 氏以鄭

楚屈建帥師滅舒鳩

楚雖滅國嘗稱君將矣於是書大夫楚強也自是  
 滅國晉書荀吳蔡書公孫姓鄭書游速滅不稱人  
 矣滅不書大夫者吳也吳無大夫也

冬鄭公孫夏帥師伐陳十有二月吳子遏伐楚門于  
 巢卒

自入州來至是而書伐楚略之也於是吳子親門  
 于巢巢牛臣隱於短垣以射之則其但書門于巢  
 卒何不以咎巢人也諸樊始通于上國爭長于楚而  
 喪身于匹夫是自取之也

本何  
 休

二十有六年春王二月辛卯衛甯喜弒其君剽

有傳

道喜弒者公子鱒也則其專罪喜何喜為正卿喜





不有無君之心則鱗為僂矣

衛孫林父入于戚以叛有傳

宋魚石入于彭城晉欒盈入于曲沃未可以書叛

必若衛孫林父而後可以書叛書叛必不能討者

也據二十九年季札過衛將宿于戚聞鐘聲焉春秋之季家有藏甲邑有百雉

之城矣故書叛始于此凡叛賤者不書必卿佐而

後書據傳成十七年齊高無咎之子弱以盧叛襄二十九年齊高止之子堅以盧叛之類

甲午衛侯衎復歸于衛有傳

鄭伯雖在櫟嘗與諸侯會于垂則君國矣是故殺

忽不書殺子亶不書殺子儀不書以三子之不書

殺知鄭伯之已定也以剽之書弒知衛侯之猶未

定也是故衎再見而後名之鄭伯突入于櫟不曰

鄭伯突復歸于鄭此其書復歸何弒剽而後得國

也

夏晉侯使荀吳來聘公會晉人鄭良霄宋人曹人于

澶淵左曰尊公非是秋宋公殺其世子痤晉人執衛甯喜

凡執他國之臣必命大夫而後書據執甯喜北宮遺但書甯喜十八年執石買孫

於是執甯喜以歸衛侯如晉復執之則其

但書甯喜何是之謂筆削也宋人執祭仲亦執厲

公但書祭仲晉人執甯喜亦執獻公但書甯喜苟

書執鄭突是不以逐君之罪罪宋也書執衛侯衎

是以討賊之義予晉也不以逐君之罪罪宋以討



賊之義子晉則放乎利而盜名者得志矣

八月壬午許男甯卒于楚冬楚子蔡侯陳侯伐鄭葬許靈公

二十有七年春齊侯使慶封來聘夏叔孫豹會晉趙武楚屈建蔡公孫歸生衛石惡陳孔奐鄭良霄許人曹人于宋

晉楚初同主諸夏盟也晉楚嘗盟矣會于瑣澤之歲宋華元克合晉楚之成士變會公子罷盟于宋西門之外不書猶曰特相盟也兩君之好而非天下之大變也以諸侯分爲晉楚之從而交相見也於是始則是南北二伯也天下之大變也於淇梁


而無君臣之分於宋而無夷夏之辨昭定哀之春秋將以終于吳越焉爾矣

衛殺其大夫甯喜

甯喜猶晉里克也是故衛剽亦不書葬

衛侯之弟鱒出奔晉秋七月辛巳豹及諸侯之大夫盟于宋有傳

於是晉楚爭先乃先楚人則其書先晉何春秋不以夷狄先中國也自宋以來晉不專主盟矣虢之盟讀舊書加於牲上而已至鄆陵則齊主諸侯至臯鼬則魯及諸侯晉之不足以主夏盟自宋始宋之盟趙孟之偷也孔子曰庭燎之百由齊桓公始





也大夫之奏肆夏由趙文子始也是王伯之所以  
興衰也豹云者蒙上文也僑如以夫人至自齊媾  
至自晉皆蒙上文也

冬十有二月乙亥朔日有食之

二十有八年春無冰夏衛石惡出奔晉邾子來朝秋  
八月大雩仲孫羯如晉冬齊慶封來奔十有一月公  
如楚

於是公及宋公陳侯鄭伯許男如楚諸夏之君旅  
見於楚始於此舉魯以見其餘也外相如不志有  
異焉則志之是故書齊侯鄭伯如紀可以書齊侯  
鄭伯如紀曷為不書公及宋公陳侯鄭伯許男如

楚凡舉魯以見其餘者則天下之辭也公朝于王所

公如楚於以見王伯之盛衰故曰此天下之辭也

十有二月甲寅天王崩乙未楚子昭卒

二十有九年春王正月公在楚

穀梁有傳

吾君嘗以正月在齊晉矣

據莊二十二年公如齊二十三年春至自齊文三年公如晉四年春至自

晉之類不書書在楚危在楚也

本何休

夏五月公至自楚庚午衛侯衎卒闞弒吳子餘祭

凡稱國以弒者必其臣子也稱人者非但其臣子  
也猶曰衆人弒之焉爾以為臣子則賤者也以為  
衆人則匹夫也於是有稱闞者焉稱盜者焉闞所  
狎也盜所疏也闞身受其咎盜有受其咎者矣



仲孫羯會晉荀盈齊高止宋華定衛世叔儀鄭公孫段曹人莒人滕人薛人小邾人城杞

會盟必有故也春秋書會盟而不言故屬辭此事而功過分矣於是書城杞是合十二國諸侯之大夫為悼夫人也於澶淵書宋災是合十三國諸侯之大夫為共姬也衛甯喜弒其君孫林父以邑叛蔡世子般弒其父吳楚之大夫交聘於中國天下亦多故矣晉為盟主而區區於宋杞是晉之已細也晉之已細然後有執齊慶封放陳招殺蔡侯般假討賊之義以盟諸夏者如楚靈王者矣  
晉侯使士鞅來聘杞子來盟

傳曰書曰子賤之也凡來盟皆大夫也杞伯親之故賤之也杞雖稱子矣僖二十三年前乎此夷儀之會稱伯後乎此卒復稱伯來盟特稱子見春秋之貶諸侯也春秋之褒貶君大夫莫備於隱桓莊之世寓王法也成襄而下舍杞子無削其爵者舍楚子虔無生名之者經之變文也

吳子使札來聘

荆人來聘楚子使椒來聘秦人來歸僖公成風之祿秦伯使術來聘春秋蓋累而後進之也吳始通於上國則曷為書是大夫吳驟強也然則非賢札歟書札猶楚椒秦術則皆非命大夫之辭也必若



屈完而後特書氏春秋公萬世之是非不以私人也

秋九月葬衛獻公齊高止出奔北燕

於是公孫薑公孫竈放高止於北燕左曰書曰出奔罪高止也春秋之法苟不足以免於罪雖放逐也以自奔書之是故魯出叔孫僑如齊逐高無咎放高止但書奔而已矣

冬仲孫羯如晉

三十年春王正月楚子使遠罷來聘夏四月蔡世子般弑其君固五月甲午宋災宋伯姬卒天王殺其弟佞夫

凡王殺不書

本何休據傳莊王殺周公黑肩敬王殺召伯盈尹固之類

雖王子不書

據惠王殺子頹

甚者母弟亦不書

據襄王殺母弟帶

必殺無罪也而後書於是

靈王崩景王立僖括欲立王子佞夫佞夫弗知也

尹氏劉氏殺佞夫括奔晉傳曰天王殺其弟佞夫

罪在王也

王子瑕奔晉

王子奔不書

據桓十八年王子克僖十二年王子帶之類

必嘗叛者也為天子

諱叛也子瑕欲廢景王者之黨也則曷為不諱於

是書天王殺其弟佞夫奔不足諱也

秋七月叔弓如宋葬宋共姬鄭良霄出奔許自許入于鄭鄭人殺良霄冬十月葬蔡景公晉人齊人宋人



衛人鄭人曹人莒人邾人滕人薛人杞人小邾人會于澶淵宋災故傳有

諸侯之大夫不序自蜀盟以來未有也於是叔孫豹會晉趙武齊公孫蠆宋向戌衛北宮佗鄭罕虎則其復不序何晉不足以為盟主也晉之不足以主盟自宋始必再言故而後貶重絕晉也凡諸侯不序吾君在焉而書吾君大夫不序吾大夫在焉而書吾大夫與有譏也據文七年公會諸侯晉大夫盟于扈九年公子遂會晉人宋人衛人許人救鄭不在魯矣則不書吾君大夫傳曰不書魯大夫諱之也

三十有一年春王正月夏六月辛巳公薨于楚宮秋

九月癸巳子野卒巳亥仲孫羯卒冬十月滕子來會葬

諸侯來會葬於是始改葬惠公也衛侯來會葬隱公不見春秋之初魯猶秉禮也晉景公之喪成公弔焉亦已卑矣晉于是止公使送葬諸侯莫在魯人辱之雖伯主未有君會葬者也葬楚康王也公及陳侯鄭伯許男送於西門之外則天下諸侯有會葬於楚者矣於是滕會葬於魯是春秋之季也會葬猶可奔喪甚矣

癸酉葬我君襄公十有一月莒人弒其君密州莒子執弒公子展輿也莒子既立展輿又廢之而





以自禍衆人何罪焉是故稱國凡弑君稱人必衆者也稱國必大臣貴戚者也經衍一人字

止齋先生春秋後傳卷第九

後學 成德 校訂

止齋先生春秋後傳卷第十

昭公

元年春王正月公即位叔孫豹會晉趙武楚公子圍齊國弱宋向戌衛齊惡陳公子招蔡公孫歸生鄭罕虎許人曹人于虢三月取鄆

於是季孫宿伐莒取鄆則書法何以異於公孫歸

父事在宣十年歸父伐邾猶公命也專取邑而已

夏秦伯之弟鍼出奔晉六月丁巳邾子華卒晉荀吳帥師敗狄于大鹵

晉自悼公以來狄師不出敗狄至是而再見其再見何晉彌衰也悼公之伯也魏絳諫曰勞師于戎



而楚伐陳必弗能救是棄陳也諸華必叛戎禽獸也獲戎失華母乃不可乎悼公卒復有事于戎狄至伐鮮虞春秋遂狄晉矣

秋莒去疾自齊入于莒

前言齊無知弒其君後言小白入於齊前言莒人弒其君後言去疾入于莒則不與弒之辭也前言衛侯入於夷儀後言衛甯喜弒其君前言齊陽生入於齊後言齊陳乞弒其君與弒之辭也辭有先後罪有小大故曰屬辭比事春秋教也


莒展輿出奔吳

展輿嘗弒君矣其君稱國以弒則展輿無罪歟以

陳佗之罪不著於春秋有殺之者則予之以討賊之辭則展輿罪不容誅矣其再見猶荀偃焉爾是故雖踰年不成君書名

叔弓帥師疆郟田葬邾悼公冬十有一月己酉楚子麇卒

此公子圍弒其君則其書卒何以君薨赴也君弒矣晏然赴於他國之君如恒辭猶鄭駢也而其臣子聽焉相與設應為後之辭甚矣無人紀也從而書卒所以誅楚之臣子聽賊之所為也圍之未弒也魯蔡鄭之大夫固知之矣會于申以齊慶封徇於諸侯曰無或如齊慶封弒其君弱其孤以盟其





大夫慶封曰無或如共王之庶子圍弒其君兄之  
子麋而代之以盟諸侯軍人粲然皆笑史見其事  
春秋著其心則後世有考矣

楚公子比出奔晉

二年春晉侯使韓起來聘夏叔弓如晉秋鄭殺其大  
夫公孫黑冬公如晉至河乃復季孫宿如晉

三年春王正月丁未滕子原卒夏叔弓如滕五月葬  
滕成公秋小邾子來朝八月大雩冬大雨雹北燕伯

欵出奔齊

四年春王正月大雨雹夏楚子蔡侯陳侯鄭伯許男  
徐子滕子頓子胡子沈子小邾子宋世子佐淮夷會


于申

楚初專合諸侯也齊桓卒楚宋嘗爭長矣敗于城  
濮楚師不出者八年晉志不在諸侯而後楚莊盟  
于辰陵以莊王之賢從之者陳鄭焉耳申之會合  
十有二國楚之得志於中國未有盛於此時者  
也

楚人執徐子

以夷狄執夷狄不書據文十二年楚執舒子平昭三十年吳執鍾吾子書執徐子危

會申之諸侯也自宋之盟中國無大會越九年而  
十二國之君皆受命於楚楚於是不殊淮夷執徐  
子不殊淮夷執徐子將以威中國也是故夷狄相





執不志為中國危之故志之也

秋七月楚子蔡侯陳侯許男頓子胡子沈子淮夷伐吳執齊慶封殺之遂滅賴

執齊慶封何以伐吳慶封再奔吳吳子之朱方此

執有罪也則曷為不再言楚子據會于戚晉侯執曹伯再言晉侯不予

楚以討齊慶封之辭也從穀梁猶曰諸侯執之云爾申

之會夷夏之大變也宋號之事猶曰二伯至是而

楚始專合諸侯范甯靈王始會諸侯訖於厥懋諸夏無會同者

十年而楚執齊慶封放陳招殺蔡般假討賊之義以號于天下由是而滅賴滅陳滅蔡矣

九月取鄆傳例非是冬十有二月乙卯叔孫豹卒

五年春王正月舍中軍傳曰甲公室也公穀非

舍中軍從祀先公皆善辭也微國史無以知舍中

軍為季氏專魯從祀先公為陽虎專季氏也然則

春秋固不可以無史歟豈惟春秋孔氏之述六經

也則以萬世之史筆削之焉爾於書錄康誥不錄

誥於詩錄鵲巢騶虞不錄貍首其甚彰彰者也

史行於天下六經修于聖人萬世之後史與經並

衡焉有以考吾之所去取者矣是孔子之意也春

秋固東遷之史也史曰晉侯召王以諸侯見吾曰

天王狩史曰衛甯殖孫林父出其君吾曰衛侯奔

向微國史亦無以見修春秋之辭也舍中軍從祀





先公是季孫宿陽虎之事魯史云然我何加損焉  
不沒其實焉爾矣苟其文不可以不是正則有筆  
削苟不必是正雖無筆削可也

楚殺其大夫屈申公如晉夏莒牟夷以牟婁及防茲  
來奔有傳秋七月公至自晉戊辰叔弓帥師敗莒師于  
蚡泉秦伯卒冬楚子蔡侯陳侯許男頓子沈子徐人  
越人伐吳

初書越而常壽過得稱人越驟強也通吳以疲楚  
者晉謀之失也通越以困吳者楚謀之失也

六年春王正月杞伯益姑卒葬秦景公夏季孫宿如  
晉葬杞文公宋華合比出奔衛秋九月大雩楚遠罷

帥師伐吳冬叔弓如楚齊侯伐北燕

七年春王正月暨齊平

平不書必關於天下之大故而後書於是燕大夫  
比以殺公之外嬖公懼奔齊齊侯伐燕納簡公庶  
幾乎天下之大義也而取燕姬與其寶賂而還不  
書平是予齊以定燕也靈公以來齊首敗伯主之  
約納晉藥盈叛人也納北燕伯猶庶幾乎天下之  
大義而卒與之平是黨亂臣逆子也是故昭定而  
下春秋多罪齊書伐衛遂伐晉同圍齊襲莒暨齊  
平盟于鹹次于五氏皆特筆也夫子曰齊景公有  
馬千駟死之日民無得而稱焉蓋不予齊也






三月公如楚叔孫婁如齊蒞盟夏四月甲辰朔日有食之秋八月戊辰衛侯惡卒九月公至自楚冬十有一月癸未季孫宿卒十有二月癸亥葬衛襄公八年春陳侯之弟招殺陳世子偃師

兩下相殺雖世子不書據陳佗曹負芻此何以書斥君之辭也陳侯鮑卒佗殺太子而自立曹伯廬卒負芻殺太子而自立猶兩下相殺也初哀公元妃生偃師而嬖二妃屬其子留於公子招公子過哀有廢疾招殺其世子偃師而立留哀公經而死哀有世子矣又屬其嬖子於二公子為是殺世子則譏不但其人也書曰陳侯之弟招殺陳世子偃師陳侯溺

卒斥君之辭也

夏四月辛丑陳侯溺卒叔弓如晉楚人執陳行人于徵師殺之陳公子留出奔鄭秋蒐于紅

蒐狩不書必違禮而後書於是舍中軍四分公室季氏擇二二子各一皆盡征之而貢于公蒐于紅也自根牟至於商衛革車千乘皆三家之師也自是而屢蒐三家所以耀武焉爾是故桓莊之狩必言公昭定之蒐不言公矣十一年大蒐于比蒲晉叔向曰君有大喪國不廢蒐不忌君也陳人殺其大夫公子過大雩冬十月壬午楚師滅陳執陳公子招放之于越殺陳孔奐葬陳哀公九年春叔弓會楚子于陳





於是叔弓及宋華亥鄭游吉衛趙厲會楚子于陳  
 諸夏之大夫旅見於楚於是始舉魯以見其餘也  
 外會不志有異焉則志之是故書仲孫蔑衛孫林  
 父會吳于善道可以書仲孫蔑衛孫林父會吳于  
 善道曷為不書叔弓宋華亥鄭游吉衛趙厲會楚  
 子于陳凡舉魯以見其餘者則天下之辭也  
 許遷于夷夏四月陳災穀梁有傳秋仲孫矍如齊冬築郎囿  
 十年春王正月夏齊藥施來奔秋七月季孫意如叔  
 弓仲孫矍帥師伐莒

舍中軍矣曷為書三卿帥師四分公室叔弓為意  
 如貳也成二年鞏之戰書季孫行父臧孫許叔孫僑如公孫嬰齊蓋二  
 軍之將佐襄十年作三軍而三分公室三家各將其一昭五年

舍中軍而四分公室季氏擇二二子各一於是伐莒叔弓佐意如序  
 於仲孫矍之上而叔孫婁守自是訖春秋魯有四卿而權歸三家內取

邑悉書也於是取郟不書取邑不足詳也由是取

鄭匡不書定六年取晉蒲棘不書哀元年

戊子晉侯彪卒九月叔孫婁如晉葬晉平公十有二  
 月甲子宋公成卒

十有一年春王二月叔弓如宋葬宋平公夏四月丁  
 巳楚子虔誘蔡侯般殺之于申

諸侯之罪非滅同姓不名據邾文公  
 用鄆子楚虔何以名以

夷狄殺中國甚矣蔡般夫人之所得討也則曷為  
 謂之夷狄殺中國楚子假大義以號于天下放陳  
 公子殺蔡侯於是滅陳蔡是謂之討賊歟殺中國



之君大夫歟國君見殺恒不名據戎蠻子鄆子蔡侯何以名自楚商臣而下弑父無討者必若蔡般殺以他故而後見焉爾是故宜不名名之雖若蔡般殺以他故而後見則猶曰蔡侯而已矣

楚公子棄疾帥師圍蔡

滅不言圍此其言圍何以病晉也韓起合九國之大夫于厥憇以謀救蔡而蔡卒滅於楚言圍所以病晉也前年棄疾奉孫吳圍陳已而滅陳則曷為不於此焉病晉合九國于厥憇而不能師甚矣


五月甲申夫人歸氏薨大蒐于比蒲仲孫矍會邾子盟于祲祥秋季孫意如會晉韓起齊國弱宋華亥衛

北宮佗鄭罕虎曹人杞人于厥憇九月己亥葬我小君齊歸冬十有一月丁酉楚師滅蔡執蔡世子有以歸用之

滅而以歸未有言執者言執弗臣之之辭也是故均之為滅國也嘗臣之矣書曰以沈子嘉歸殺之未嘗臣之也書曰執蔡世子有以歸用之

十有二年春齊高偃帥師納北燕伯于陽于陽內弗受也衛侯朔入衛不言納納頓子不言奔奔且言納者北燕伯欵衛世子蒯瞶也是內弗受之辭也

三月壬申鄭伯嘉卒夏宋公使華定來聘公如晉至





河乃復五月葬鄭簡公楚殺其大夫成熊秋七月冬十月公子愁出奔齊

奔辭有三公孫敖如京師不至而復丙戌奔莒未將命之辭也公孫歸父如晉歸父還自晉至莒遂奔齊復命之辭也愁與南蒯謀季氏告公而退從公如晉南蒯以費叛愁還及郊未復命聞亂遂奔齊季氏之出其君有以也則愁有奔焉爾

楚子伐徐晉伐鮮虞

從穀梁

狄晉也晉主諸夏之盟春秋之狄秦以晉故也狄鄭亦以晉故也則其狄晉何晉之君卿無中國之志也楚虔弑君之賊也而執齊慶封放陳招殺蔡

侯般假討賊之名以盟諸夏而晉連年有事于狄鮮虞吳入郢於越入吳晉猶圍鮮虞也詳於狄事而不詳于楚則晉無中國之志也於是狄晉是故自成襄之春秋晉雖或競於楚略之不書也而敗狄于交剛于大鹵滅赤狄潞氏滅赤狄甲氏及留吁則詳志之而滅肥不書滅鼓不書莫重於狄晉苟狄晉矣餘不足書也

十有三年春叔弓帥師圍費

內不言叛言圍皆叛也

夏四月楚公子比自晉歸于楚弑其君虔于乾谿楚公子棄疾殺公子比





公子比何以言歸自晉比亡公子爾靈王之弑棄疾爲之也比立而君弑則比蒙首惡之名凡討賊恒稱人比蒙首惡之名則殺之宜稱人則曰楚公子棄疾殺公子比何靈王之弑棄疾爲之也則是比公子殺公子耳非討賊也書弑其君比則比疑于齊舍書楚人殺比則棄疾疑于石碯雍廩不然是兩下之獄勿書可也春秋之修辭謹矣

秋公會劉子晉侯齊侯宋公衛侯鄭伯曹伯莒子邾子滕子薛伯杞伯小邾子于平丘

晉復合諸侯也晉之合諸侯由是止鄆陵之後參盟復作晉非盟主矣

八月甲戌同盟于平丘公不與盟

會於沙隨不見公則譏不在魯也於是邾子莒子愬魯于晉晉侯不見公書曰公不與盟譏魯之辭也向也黑壤公不與盟則諱不書盟今也不諱則譏魯之辭也於泃梁於祝柯嘗爲魯執邾莒矣而魯亟出師又納其叛人於是邾莒愬於晉晉爲有辭於魯也而公遂不盟晉之不自強於主盟由重丘而後皆大夫爾以晉之不自強於主盟而復合諸侯於是劉子臨之叔向請之諸夏猶有屬焉而齊人不可鄭人爭承魯人不與盟而列國之君大夫旅見於楚則晉之合諸侯由是止鄆陵之後參





盟復作則魯誠與有譏焉爾譏魯所以徧刺天下之諸侯也

文啟

晉人執季孫意如以歸公至自會蔡侯廬歸于蔡陳侯吳歸于陳

於是楚平王封陳蔡而復之隱太子之子廬歸于蔡悼太子之子吳歸于陳則其書曰陳侯蔡侯歸何不予楚專封也歸辭有三突歸于鄭篡公子之辭也蔡季自陳歸于蔡宜得國公子之辭也衛侯鄭歸于衛嘗失國之君之辭也此未嘗有國也使之如失國辭然者不與楚專封也

從穀梁

冬十月葬蔡靈公公如晉至河乃復吳滅州來

十有四年春意如至自晉

大夫不致穀梁例必見執也而後至亦危之也

二月曹伯滕卒夏四月秋葬曹武公八月莒子去疾卒冬莒殺其公子意恢

莒子卒郊公不感國人欲立莒子之弟庚輿蒲餘侯惡意恢而善於庚輿殺意恢逆庚輿於齊莒無大夫書殺意恢以非其罪也於是郊公奔齊庚輿虐而好劍立十年國人逐之齊人納郊公而郊公出入皆不書則亦非其罪也以不罪莒郊公知鄭忽衛蒯賸之所以書也

十有五年春王正月吳子夷末卒二月癸酉有事于



武宮籥入叔弓卒去樂卒事夏蔡朝吳出奔鄭六月  
丁巳朔日有食之秋晉荀吳帥師伐鮮虞

嘗狄晉矣則荀吳何以無貶於初伐貶餘實錄而  
巴爾

冬公如晉

十有六年春齊侯伐徐楚子誘戎蠻子殺之

公羊有傳

戎蠻子嘉也不名名之則疑於蔡侯般

范甯楚子不名非中國故

夏公至自晉秋八月己亥晉侯夷卒九月大雩季孫

意如如晉冬十月葬晉昭公

十有七年春小邾子來朝夏六月甲戌朔日有食之

秋邾子來朝八月晉荀吳帥師滅陸渾之戎

自是凡滅不復稱人矣滅不書大夫者吳也吳無  
大夫也

冬有星孛于大辰楚人及吳戰于長岸

此楚令尹陽句也書人吳公子光也書國畧之也

楚之君大夫不見於春秋者十八年而吳入郢矣

昭公之春秋莫辨於吳楚也五年吳嘗敗楚于鵲岸不

書六年敗楚于房鍾不書書伐吳而已於是始書

戰則以吳楚敵言之也

十有八年春王三月曹伯須卒夏五月壬午宋衛陳

鄭災公羊有傳六月邾人入郕秋葬曹平公冬許遷于白羽

十有九年春宋公伐邾夏五月戊辰許世子止弑其



君買

穀梁有傳

弑君天下之大惡也許悼公瘞飲太子止之藥而卒太子奔晉則其曰弑其君何春秋嘗斷斯獄矣于魯曰公薨夫人姜氏孫於邾於莒曰莒弑其君密州莒展輿出奔吳則二君之罪人得矣止不嘗藥悼公飲焉而卒則世子何罪弑君天下之大惡也而加諸無罪之子曰將為後人戒何以為春秋然則世子果何罪悼公瘞飲世子止之藥而卒世子奔晉世子誠不嘗藥爾何罪而奔晉春秋有以斷斯獄矣止不書奔舉重也公薨莒弑其君密州二君之罪人未知其為誰也夫人孫于邾展輿出

奔吳則罪人斯得曰世子止弑其君不言奔可也

已卯地震秋齊高發帥師伐莒冬葬許悼公

凡異邦人殺吾君書葬

據魯桓公

盜殺其君書葬

據蔡昭公

此世子弑君也而亦書葬世子貴之至而與盜同文親之至而與異邦人同文春秋之惡惡未有甚於此者也

二十年春王正月夏曹公孫會自鄆出奔宋

穀梁有傳 秋盜

殺衛侯之兄縶

此齊豹也則曷為以賤辭書之奪之司寇則非大夫也盜賤者也以賤者而殺其君兄於是衛侯如死鳥則衛之失政甚矣



冬十月宋華亥向寧華定出奔陳

於是公子城公孫忌八子奔鄭華亥向寧華定奔陳則其但書三子何凡奔罪也衆不可以勝罪則罪其甚焉者爾入南里以叛乞師於楚為宋患之日久是以甚三子也

十有一月辛卯蔡侯廬卒

二十有一年春王三月葬蔡平公夏晉侯使士鞅來聘宋華亥向寧華定自陳入于宋南里以叛

於是晉荀吳齊苑何忌衛公子朝救宋圍華氏於南里而華氏乞師於楚諸侯之戍出之不書圍宋南里不以討叛予晉也

秋七月壬午朔日有食之八月乙亥叔輒卒冬蔡侯

朱出奔楚公如晉至河乃復

二十有二年春齊侯伐莒宋華亥向寧華定自宋南里出奔楚

再奔不書

據齊慶封來奔齊人來讓奔吳定十四年衛公孟彊奔鄭自鄭奔齊之類

必嘗入叛也

而後書晉欒盈鄭良霄猶及殺之矣書奔言佚賊也書奔猶可也書歸據定十三年晉趙鞅甚矣

大蒐于昌間夏四月乙丑天王崩六月叔鞅如京師

葬景王王室亂

周亂不書

據子頹子帶

書王室亂則天下無人紀矣昔者

惠襄之世子頹亂鄭虢討之子帶亂晉討之春秋



不書猶有臣子焉耳於是景王崩悼王即位既葬矣子朝欲篡子猛而立凡歷悼敬五年而後定而訖於佚賊則天下無人紀矣


劉子單子以王猛居于皇

以武氏子毛伯不稱使則王在喪雖踰年猶未稱王也本公羊文九年傳此爭立也則其遂稱王何成猛之為王也景王崩太子壽早卒猛勾其母弟也而王愛庶子朝欲立之於是單劉奉猛尹召奉朝未知其誰宜立也成猛之為王則猛宜立者也是故春秋之誼苟宜立也則糾雖未得國成之為子糾猛雖未得京師成之為王猛

秋劉子單子以王猛入于王城

居于皇言失京師也入于王城言始得京師也凡以非順辭也以虢公鄭伯晉侯不書以則非予二子也非予二子是單旗劉盩以大夫專廢置君也以大夫專廢置君則曷為無貶前言王室亂後言二子以王猛居于皇入于王城則二子有不得已焉者爾而非其罪也然則以單劉為功不逮鄭虢則可以為罪則溢罰矣是故殺子朝於楚僖翩率子朝之徒以作亂敬王嘗處於姑蘓逾年卒克之子朝不書殺天王不書出是予單劉以復辟之誼也

子朝事在定六年





冬十月王子猛卒有傳

猛諡曰悼王則其曰王子猛卒何未逾年也未逾年之君雖嘗有諡猶不列於廟次是故衛侯申據詩


歸唁雖諡曰戴公猛雖諡曰悼王均之為不成君

也王猛矣其列曰王子猛何於其卒從其恒稱爾春秋之誼苟廢立也足以亂名實則不可弗辨苟非廢立也無亂於名實則弗辨也是故成之為君則稱王猛於其卒也從其恒稱為王子猛不成之為君則稱鄭忽於其歸也從其恒稱為世子忽義不在焉則不沒其實而已矣十有二月癸酉朔日有食之

二十有三年春王正月叔孫婍如晉癸丑叔鞅卒晉人執我行人叔孫婍有傳晉人圍郊

郊天子之邑也向者子帶之亂晉文公嘗圍溫矣不書以其討亂也圍郊以伐子朝之黨也則何以書討亂非晉志也於是王師敗于郊王猛卒敬王即位矣而籍談荀躒之師軍于陰于侯氏于谿泉次于杜逾年子朝立焉而後圍郊則討亂非晉志也是圍天子之邑而已矣是故晉自交剛之役凡師書君大夫復貶人之

夏六月蔡侯東國卒于楚秋七月莒子庚輿來奔戊辰吳敗頓胡沈蔡陳許之師于雞父胡子髡沈子逞





滅獲陳夏鼈

夷狄交相敗不書必敗中國而後書吳敗頓胡沈  
蔡陳許自入春秋未之有也是故吳子貶稱國  
天王居于狄泉

于狄泉言未得京師也於是王猛卒敬王即位母  
弟臼也館于子旅氏謂之東王子朝謂之西王書  
曰天王居于狄泉黜子朝也

尹氏立王子朝  
此尹圉也尹文公曷為稱尹氏亦非見大夫也於是敬  
王即位矣子朝入于尹尹圉為之殺劉佗召伯奭  
南宮極以成周人戍尹子朝入於王城則曷為但

言尹氏猶曰獨尹氏所欲立也將以王天下獨尹  
氏立之則莫之與矣王子不名據王季子唯卒名之非卒  
也而名之者貶之也是故救衛名子突奔名子瑕

立名子朝王札子闕據傳王子捷也

八月乙未地震冬公如晉至河有疾乃復

二十有四年春王二月丙戌仲孫矍卒矍至自晉傳有

夏五月乙未朔日有食之秋八月大雩丁酉杞伯郁

釐卒

冬吳滅巢葬杞平公

二十有五年春叔孫婍如宋夏叔詣會晉趙鞅宋樂  
大心衛北宮喜鄭游吉曹人邾人滕人薛人小邾人



于黃父

傳曰謀王室也於是天王謂之東王子朝謂之西王晉侯使涖問周故期以明年而後為黃父之會又明年而荀躒趙鞅之師出是故天王書出入而晉師克鞏不書書克鞏是討子朝也

有鸚鵡來巢傳有秋七月上辛大雩季辛又雩九月己

亥公孫于齊次于陽州

公行書次自莊以來未之有也于是再見其再見何以昭公之失國不可不詳其所如往也

齊侯唁公于野井冬十月戊辰叔孫婁卒十有一月己亥宋公佐卒于曲棘十有二月齊侯取鄆

外取邑不書雖取諸我不書取鄆將以居公也則何以書病齊侯也昭公孫於齊齊侯將納公以梁丘據一言而遂不果鄆陵之盟將以合諸侯云爾而徒曰納公三年而無成則是取鄆而已矣是故取鄆則書齊圍成則書公

二十有六年春王正月葬宋元公三月公至自齊居于鄆夏公圍成秋公會齊侯莒子邾子杞伯盟于鄆陵

此參盟也參盟自齊桓以來未之有也於是再見其再見何晉不復主盟矣齊徐邾莒嘗盟於蒲隧

事在十宋邾邾徐嘗盟於蟲事在十則諸侯有不待伯



主而自盟會久矣于是始書以晉之不復主盟也

晉不復主盟而後齊專盟矣  
公至自會居于鄆九月庚申楚子居卒冬十月天王入于成周

言始得京師也昔者惠王出入皆不書襄王雖書出猶不書入也於是悼王自皇敬王自狄泉則曷為皆書入幸之也王室亂矣入無足諱焉爾于成周猶未得王都也

尹氏召伯毛伯以王子朝奔楚  
尹氏獨欲立子朝耳則其奔楚曷為兼言召伯毛伯敬王在外四年而後入則二子為之也然則曷

為不以二子者首惡以二子首惡是有奉子朝者矣皆卿士也單劉奉猛毛召奉朝將又莫知其誰宜立也是故終始于尹氏以二卿序尹氏之下則

從之者而已

據傳二十三年子朝入于王城二十四年召簡公以甘桓公見子朝

二十有七年春公如齊公至自齊居于鄆夏四月吳弑其君僚

吳子孰弑吳公子光也夫稱國以弑必貴戚也則嘗有廢立者也庶其絀長密州絀少光徒以篡焉爾則何以稱國於是壽夢有四子而季子賢謁也餘祭也夷昧也不以國與子而與弟凡為季子也季子不受則國宜之光者僚越光而代札是自禍





也父子兄弟苟焉以其位為利至于相戕賊也天理絕矣是故賊不書主名以是為有國者大戒彼又何誅焉

楚殺其大夫卻宛秋晉士鞅宋樂祁犁衛北宮喜曹人邾人滕人會于扈

外大夫自為會

冬十月曹伯午卒邾快來奔公如齊公至自齊居于鄆

二十有八年春王三月葬曹悼公公如晉次于乾侯夏四月丙戌鄭伯寧卒六月葬鄭定公秋七月癸巳滕子寧卒冬葬滕悼公

二十有九年春公至自乾侯居于鄆齊侯使高張來唁公公如晉次于乾侯夏四月庚子叔詣卒秋七月冬十月鄆潰

三十年春王正月公在乾侯有傳夏六月庚辰晉侯去疾卒秋八月葬晉頃公冬十有二月吳滅徐徐子章羽奔楚

奔非其罪莫甚于被兵者也雖不死社稷猶不名也則其名徐子何臣吳而後奔也滅國有三辭以歸臣之之辭也奔猶弗臣之之辭也不言歸若奔死之之辭也是故奔者不必名以歸也而後名之於是吳滅徐徐子斷其髮攜其夫人以逆吳子吳



三頁三  
子言而送之遂奔楚徐子而不名則疑于譚子弦  
子温子矣

三十有一年春王正月公在乾侯有傳季孫意如會晉  
荀躒于適歷

季氏出其君而納邾快又納黑肱卒大夫會葬晉  
宋滕薛晏然如二君矣君在外雖卿有事不書必  
有諸侯之事而後書是故文公在晉公孫敖會于  
垂隴襄公在晉季孫宿會于邢丘皆伯令也昭公  
在乾侯季孫意如會晉荀躒于適歷非諸侯之事  
也則何以書以晉之釋君而助臣也晉士鞅會諸  
侯之大夫于扈將以納公取貨于季孫而遂不果

荀躒復爲此會昭公所以死於外也襄昭之際大  
夫無君之禍晉人爲之也公會晉侯於夷儀衛侯  
入于夷儀衛甯喜弑其君剽公如晉次于乾侯公  
在乾侯季孫意如會晉荀躒于適歷公薨于乾侯  
皆罪晉之辭也

夏四月丁巳薛伯穀卒有傳晉侯使荀躒唁公于乾侯  
秋葬薛獻公冬黑肱以濫來奔有傳

傳曰邾黑肱也其不繫之邾濫嘗自別二君也圍  
戚不曰圍衛戚取鄆不曰取我鄆皆如于邾之辭  
也

十有二月辛亥朔日有食之



三十有二年春王正月公在乾侯傳有取闕夏吳伐越

秋七月冬仲孫何忌會晉韓不信齊高張宋仲幾衛

世叔申鄭國參曹人莒人薛人杞人小邾人城成周

諸侯有事于京師皆不書隱六年僖二十八年獻捷之類成之不書據

十三年十四年傳城之不書二十四年城郊以是為常事也書城成周

則請而後城之是非常也是役也晉魏舒南面韓

不信專執于京師宋仲幾不受功齊高張後大夫

之無王甚矣然則大夫何以無貶於澶淵貶亦實

錄而已矣

十有二月己未公薨于乾侯傳有

止齋先生春秋後傳卷第十後學成德校訂

止齋先生春秋後傳卷第十一

定公

元年春王三月晉人執宋仲幾于京師穀梁有傳夏六月癸

亥公之喪至自乾侯戊辰公即位秋七月癸巳葬我

君昭公胡氏從馮山以從祀先公為祔祭昭公據葬稱諡不應不祔廟今不取九月大雩立煬宮冬

十月隕霜殺菽

二年春王正月夏五月壬辰雉門及兩觀災秋楚人

伐吳

此囊瓦也貶人之

冬十月新作雉門及兩觀

三年春王正月公如晉至河乃復二月辛卯邾子穿



卒夏四月秋葬邾莊公冬仲孫何忌及邾子盟于拔  
 四年春王二月癸巳陳侯吳卒三月公會劉子晉侯  
 宋公蔡侯衛侯陳子鄭伯許男曹伯莒子邾子頓子  
 胡子滕子薛伯杞伯小邾子齊國夏于召陵侵楚  
 傳曰劉文公合諸侯于召陵謀伐楚也晉之合諸  
 侯至平丘而止則是役劉子為之也劉子定內難  
 復辟于周而楚納子朝於是合十八國之師伐楚  
 雖五伯未有盛於此時者也以周之不競而能合諸  
 侯盛於五伯俄而劉子卒君子蓋深悲之也  
 夏四月庚辰蔡公孫姓帥師滅沈以沈子嘉歸殺之  
 五月公及諸侯盟于臯鼬杞伯成卒于會

有晉侯在何以書公及諸侯盟非晉主盟也公會  
 諸侯盟于薄公會諸侯盟于宋皆後至之文也非  
 後至也而曰公及諸侯盟則以魯主之也是故書  
 及劉卷卒諸侯無會同於是有特相盟者矣  
 六月葬陳惠公許遷于容城秋七月公至自會劉卷  
 卒

王卿士不卒據成十三年成肅公昭十一年單成公有關於天下之故則卒  
 之於襄王之難有王子虎焉於敬王之難有劉子  
 焉君子曰王室其庶幾乎而無救于周是故特卒  
 之也司馬遷於諸國世家多缺卒而卒孔子蓋知  
 此者也





葬杞悼公楚人圍蔡晉士鞅衛孔圉帥師伐鮮虞葬  
劉文公冬十有一月庚午蔡侯以吳子及楚人戰于  
栢舉楚師敗績

於是蔡侯如晉請伐楚晉辭蔡侯天下諸侯莫與  
憂蔡者而憇之吳吳子興師以伐楚是則夷狄憂  
中國也是故吳始稱子書戰書敗績皆進吳也而  
楚囊瓦貶稱人

楚囊瓦出奔鄭庚辰吳入郢公穀有傳

入國不言邑入楚也而曰入郢非得國之辭也是  
役也鬪辛王孫由于王孫圍鍾建鬪巢申包胥王  
孫賈宋木鬪懷皆悉宣力焉秦師救楚楚子入于

郢則楚為有人矣書入郢非得國之辭也前曰吳  
子今日吳復從其舊號也舍黃池書吳而已

五年春王三月辛亥朔日有食之夏歸粟于蔡於越  
入吳

向曰越人今日於越復從其舊號也越未有聞也

昭定之春秋吳楚爭而后越入中國會于瑣也昭五年

越常壽過始見於經而亟稱人後三十年而入吳

不復稱人矣晉楚之初春秋未以敵言之戰于邲

也則楚稱子矣吳楚之初春秋未以敵言之戰于

栢舉也則吳稱子矣至於吳越終春秋不以敵言

之也是故越入吳書吳入越不書哀元年





六月丙申季孫意如卒秋七月壬子叔孫不敢卒冬  
晉士鞅帥師圍鮮虞鄭

六年春王正月癸亥鄭游速帥師滅許以許男斯歸  
二月公侵鄭公至自侵鄭

自宣之季年凡伐不言公魯無君將者八十年矣  
至是而書侵鄭則以公山不狃侯犯陽虎之專也

故曰政逮於大夫四世矣故夫三桓之子孫微矣  
夏季孫斯仲孫何忌如晉秋晉人執宋行人樂祁犁

冬城中城季孫斯仲孫何忌帥師圍鄆  
七年春王正月夏四月秋齊侯鄭伯盟于鹹

此特相盟也特相盟自齊桓以來未之有也於是  
再見其再見何諸侯無主盟矣是故石門志諸侯

之合也鹹志諸侯之判也  
齊人執衛行人北宮結以侵衛齊侯衛侯盟於沙大

雩齊國夏帥師伐我西鄙九月大雩冬十月  
八年春王正月公侵齊公至自侵齊二月公侵齊三

月公至自侵齊曹伯露卒夏齊國夏帥師伐我西鄙  
公會晉師于瓦公至自瓦

不曰會士鞅曰會晉師重師也鞏之戰公會晉師  
于上鄆不書諱之也四卿並將而以禽鄭自師逆

公三家之張成於此矣故諱之也於是齊師伐我  
晉士鞅趙鞅荀寅救我公會晉師于瓦勿諱可也





秋七月戊辰陳侯柳卒晉士鞅帥師侵鄭遂侵衛  
 此其言遂何晉始伐與國也於襄之二十三年齊  
 始叛晉取朝歌去年鄭始叛晉盟齊于鹹衛始叛  
 晉盟于沙於是侵鄭衛又明年及齊平雖魯亦叛  
 晉矣故悉書之也

葬曹靖公九月葬陳懷公季孫斯仲孫何忌帥師侵  
 衛冬衛侯鄭伯盟于曲濮從祀先公盜竊寶玉大弓  
 於是禘于僖公不書書從祀先公非常也順祀則  
 曷為謂之非常陽虎欲去三桓而為此也陽虎欲  
 去三桓是以陪臣廢置大夫也虎陪臣也欲廢置  
 三卿而追正宗廟之禮已而弗勝取周公之分器

以出曾莫之禁者書曰從祀先公盜竊寶玉大弓

魯無人之辭也是故陪臣叛皆不書據昭二十二年南蒯以費叛定十三年晉

趙稷涉賓以邯鄲叛之類書陽虎為盜是治陪臣也君子之作春秋

治至於陪臣斯極矣見公羊

九年春王正月夏四月戊申鄭伯薑卒得寶玉大弓

六月葬鄭獻公秋齊侯衛侯次于五氏

外會書次自厥貉以來未之有也於是再見其再  
 見何中國無伯也齊衛伐盟主則其不書伐何春  
 秋重絕晉也於襄之二十三年嘗書齊伐晉至是  
 而不書何齊始叛晉諸侯猶有盟主也前年鄭叛  
 晉盟齊于鹹衛叛晉盟齊于沙明年及齊平魯亦





四百五十一  
叛晉諸侯無盟主矣有盟主非美事也無盟主非細故也是故春秋重絕晉也

秦伯卒冬葬秦哀公

十年春王三月及齊平夏公會齊侯于夾谷公至自夾谷晉趙鞅帥師圍衛齊人來歸鄆謹龜陰田叔孫州仇仲孫何忌帥師圍郕

未有言來歸田者言來歸必自外至者也

據鄭來歸

歸衛寶之類鄆謹龜陰田言來歸以是為齊人之願也濟

西言取謹闡言取鄆謹龜陰之田不言取以是為

齊人之願則猶齊田也

何休從外來常文與齊人來歸衛寶同

齊強於天下

伐盟主合諸侯于鄆陵矣於是願歸田則以孔子

相夾谷之會也謂春秋之諸侯不足用為善者是不

即人心者之論也故曰如有用我者期月而已可也

秋叔孫州仇仲孫何忌帥師圍郕宋樂大心出奔曹

宋公子地出奔陳冬齊侯衛侯鄭游速會于安甫叔

孫州仇如齊宋公之弟辰暨仲佗石彊出奔陳

十有一年春宋公之弟辰及仲佗石彊公子地自陳

入于蕭以叛夏四月秋宋樂大心自曹入于蕭冬及

鄭平

傳曰始叛晉也書輸平以志諸侯之合書及鄭平

以志諸侯之散此春秋之所以終始也

叔還如鄭泣盟



十有二年春薛伯定卒夏葬薛襄公叔孫州仇帥師  
墮郈


郈叔孫之邑也費季孫之邑也叔孫州仇墮郈季  
孫斯墮費以是為二家之願也三家專魯出昭公  
矣於是願墮其都則以孔子之相魯也謂春秋之  
大夫不足用為善者是不即人心者之論也故曰  
如有用我者暮月而已可也

衛公孟彊帥師伐曹季孫斯仲孫何忌帥師墮費秋  
大雩冬十月癸亥公會齊侯盟于黃十有一月丙寅  
朔日有食之公至自黃十有二月公圍成公至自圍  
成

成孟孫之邑公行不越竟不書至至圍成危之也  
初作三軍也三分公室而各有其一季氏盡征之  
叔孫氏臣其子弟孟氏取其半焉三家之強孟氏  
為猶有君也莫難於墮郈費成墮易耳而公自將  
圍成弗克是不足與有為也齊人歸女樂三日不  
朝是以微罪行也

十有三年春齊侯衛侯次于垂葭夏築蛇淵圍大蒐  
于比蒲衛公孟彊帥師伐曹秋晉趙鞅入于晉陽以  
叛冬晉荀寅士吉射入于朝歌以叛

荀寅士吉射伐趙氏鞅奔晉陽韓魏伐范中行氏  
寅吉射奔朝歌鞅非始禍者也則曷為皆以叛書





之春秋之季家有藏甲都邑皆百雉之城矣鞅必奔晉陽寅吉射必奔朝歌則是皆叛也

晉趙鞅歸于晉歸不言自鞅無所自也歸易辭也藥盈魚石猶言入至鞅而後言歸則晉無人之辭也此韓趙魏分晉之本也叛臣至於書歸則佚賊不足錄矣此韓魏趙分晉之本也

薛弒其君比

十有四年春衛公叔戌來奔衛趙陽出奔宋二月辛巳楚公子結陳公孫佗人帥師滅頓以頓子牂歸夏衛北宮結來奔五月於越敗吳于槁李吳子光卒

光嘗弒君矣其君稱國以弒而光書卒何他君無貶焉然則光無罪歟以莒展輿之罪不著於春秋而逾年不成君則光罪不容誅矣

公會齊侯衛侯于牽公至自會秋齊侯宋公會于洮天王使石尚來歸賑衛世子蒯躄出奔宋衛公孟彊出奔鄭宋公之弟辰自蕭來奔大蒐于比蒲邾子來會公

會公於比蒲也

從穀梁范甯注

自舍中軍公不與兵政者四十年矣於是蒐比蒲則以季孫斯叔孫州仇之墮費郈也故曰政逮于大夫四世矣故夫三桓之子孫微矣





城莒父及霄

十有五年春王正月邾子來朝麇鼠食郊牛牛死改  
卜牛二月辛丑楚子滅胡以胡子豹歸夏五月辛亥  
郊壬申公薨于高寢鄭罕達帥師伐宋齊侯衛侯次  
于渠蔭邾子來奔喪

諸侯來奔喪於是始

秋七月壬申妣氏卒

左氏公羊有傳

八月庚辰朔日有食之九

月滕子來會葬丁巳葬我君定公雨不克葬戊午日  
下旻乃克葬辛巳葬定妣

妾母也自成風訖於宣襄子苟為君則其母為夫  
人子嘗為君不敢以其母為夫人者隱公而已矣

是故聲子不葬聲子不葬葬定妣則是哀公之以  
夫人喪其母猶宣襄也哀公之喪其母猶宣襄也  
則何以卒不稱夫人葬不稱小君徒以喪在殯不  
及尊其母焉耳

冬城漆

止齋先生春秋後傳卷第十一

後學

成德

校訂



止齋先生春秋後傳卷第十三

哀公

元年春王正月公即位楚子陳侯隨侯許男圍蔡

鄭滅許矣其再見何復正也復正有三辭莫善於

自尅復者也是故襄王嘗書出已而書王事在僖二十八年則

愈於敬王書入矣許嘗書滅已而書許男則愈于

陳蔡書歸矣春秋善復正襄王許男則善之善者

也何休自復無惡文

麇鼠食郊牛改卜牛夏四月辛巳郊秋齊侯衛侯伐

晉

伐夷儀不書書次五氏伐河內不書書次垂葭公



會齊衛于牽帥狄師襲晉戰于絳中猶不書也諸  
夏之無君春秋誠有不忍書也必於是而後書春  
秋蓋將終焉是故春秋之初諸侯無王者齊鄭宋  
魯衛為之也春秋之季諸侯無伯者亦齊鄭宋魯  
衛為之也

冬仲孫何忌帥師伐邾

二年春王二月季孫斯叔孫州仇仲孫何忌帥師伐  
邾取濶東田及沂西田癸巳叔孫州仇仲孫何忌及  
邾子盟于句繹

自是內外盟皆不書不足書也是故鄆行盟吳不  
書萊門盟吳不書年七年甚者會於鄆雖三國盟亦不


書十二年杜氏  
二說皆非是

夏四月丙子衛侯元卒滕子來朝晉趙鞅帥師納衛  
世子蒯瞶于戚

于戚內弗受也輒拒父也後十二年而蒯瞶自戚  
入于衛衛侯輒來奔則是輒拒父也世子正也屬  
辭比事則輒萬世不可掩矣

秋八月甲戌晉趙鞅帥師及鄭罕達帥師戰于鐵鄭  
師敗績冬十月葬衛靈公十有一月蔡遷于州來蔡  
殺其大夫公子駟

三年春齊國夏衛石曼姑帥師圍戚穀梁有傳夏四月甲午  
地震五月辛卯桓宮僖宮災季孫斯叔孫州仇帥師





城啓陽宋樂髡帥師伐曹秋七月丙子季孫斯卒蔡人放其大夫公孫獵于吳冬十月癸卯秦伯卒叔孫州仇仲孫何忌帥師圍邾

四年春王二月庚戌盜殺蔡侯申

此公孫翮也書曰盜則疏且賤焉者也公孫也苟不在其位則疏且賤者也盜殺其君則貴近無人矣春秋書殺大夫莫甚於宋昭晉厲也而二君或稱人以弑人衆辭也甚者稱國焉則凡有官者無人也有稱盜焉則凡在官者無人也蔡殺其大夫公子駟蔡放其大夫公孫獵于吳蕞爾蔡也連年誅放其大夫是貴近無人也是故殺翮不書以為


不足討也葬昭公以為不必不葬也

蔡公孫辰出奔吳

書公薨夫人姜氏孫于邾公子慶父出奔莒則夫人慶父與聞乎弑矣書盜殺蔡侯申蔡公孫辰出奔吳則辰與聞乎殺矣

葬秦惠公宋人執小邾子夏蔡殺其大夫公孫姓公孫霍晉人執戎蠻子赤歸于楚城西郭六月辛丑亳社災秋八月甲寅滕子結卒冬十有二月葬蔡昭公葬滕頃公

五年春城毗夏齊侯伐宋晉趙鞅帥師伐衛秋九月癸酉齊侯杵臼卒冬叔還如齊閏月葬齊景公





六年春城邾瑕晉趙鞅帥師伐鮮虞吳伐陳夏齊國夏及高張來奔

齊殺其大夫高厚齊崔杼弑其君光齊國夏及高張來奔齊陳乞弑其君荼聖人之垂誠深矣

叔還會吳于柤秋七月庚寅楚子軫卒齊陽生入于齊

衛侯入于夷儀衛甯喜弑其君剽則喜為衛侯弑也齊陽生入于齊齊陳乞弑其君荼則乞為陽生

弑也齊陳乞弑其君荼

荼之弑得國者陽生也曷為不以罪齊無知者罪

陽生於是齊政由陳氏矣政由陳氏彼陽生者亡公子而已乞不有無君之心則陽生為僂矣陽生也以下從

梁穀

冬仲孫何忌帥師伐邾宋向巢帥師伐曹

七年春宋皇瑗帥師侵鄭晉魏曼多帥師侵衛夏公會吳于郕秋公伐邾八月己酉入邾以邾子益來宋

人圍曹冬鄭駟弘帥師救曹

書救曹何曹卒滅於宋也自魯救晉凡晉楚之救皆不書六十年矣其再見以中國無伯而諸侯自相救也諸侯自相救猶可也吳救陳諸夏亦幾于亾矣



八年春王正月宋公入曹以曹伯陽歸

檜亡東周之始也曹亡春秋之終也夫子之刪詩也繫曹檜於國風之後於檜之卒篇曰思周道也傷天下之無王也於曹之卒篇曰思治也傷天下之無伯也春秋作於定哀之際文武之所衰大諸侯亡國多矣莫強於齊晉趙鞅歸于晉則晉亡之漸也齊陳乞弑其君荼則齊亡之漸也夫子嘗喟然于此矣興滅國繼絕世修廢官舉逸民蓋嘗有此言也於是曹不言滅

吳伐我夏齊人取謹及闡歸邾子益于邾秋七月冬十有二月癸亥杞伯過卒齊人歸謹及闡

九年春王二月葬杞僖公宋皇瑗帥師取鄭師于雍

丘夏楚人伐陳秋宋公伐鄭冬十月

十年春王二月邾子益來奔

此吳人討邾奉太子革為政而後奔則其但書奔何以是為自失國也春秋之治苟其道足以失國雖有敵國猶以自致之文書之

公會吳伐齊三月戊戌齊侯陽生卒夏宋人伐鄭晉趙鞅帥師侵齊五月公至自伐齊葬齊悼公衛公孟彊自齊歸于衛薛伯夷卒秋葬薛惠公冬楚公子結帥師伐陳吳救陳

延州來季子也但書吳不以救陳錄季子也自魯



救晉凡救皆不書矣鄭救曹則中國無伯諸侯自相救也中國無伯諸侯自相救春秋憫焉而特書之吳救陳諸夏幾于亡矣春秋之所甚懼也書吳而已譏不在季子也

十有一年春齊國書帥師伐我夏陳轅頗出奔鄭五月公會吳伐齊甲戌齊國書帥師及吳戰于艾陵齊師敗績獲齊國書秋七月辛酉滕子虞母卒冬十有一月葬滕隱公衛世叔齊出奔宋

十有二年春用田賦

以丘賦一乘為未足又以田賦之也故曰斂從其薄以丘亦足矣田賦之也者家一人也家一人管

子內政之法也諸侯之益兵自齊始晉次之事在僖十五年春秋之季魯亦行之矣是故作丘甲用田賦不書

初


夏五月甲辰孟子卒三傳同公會吳于橐臯秋公會衛侯

宋皇瑗于鄆宋向巢帥師伐鄭冬十有一月螽

十有三年春鄭罕達帥師取宋師于岳夏許男成卒

公會晉侯及吳子于黃池公羊有傳

於是盟不書吳晉之盟春秋終諱之不以吳晉同主盟也公會晉侯及吳子雖兩伯之辭也而春秋終不以吳晉同主盟也單平公不書不忍書也春秋公萬世之是非亦有所不忍書歟交質子事在隱二年僖十七年成





年二以兵向京師事在莊十九年魯用人于亳社事在昭十年皆

不忍書者也

楚公子申帥師伐陳於越入吳

秋公至自會晉魏曼多帥師侵衛葬許元公九月螽

冬十有一月有星孛于東方盜殺陳夏區夫十有二

月螽

十有四年春西狩獲麟

止齋先生春秋後傳卷第十二

後學 成德 校訂

止齋春秋傳十二卷金陵


焦太史內閣抄本也錄之又假

唐太常節抄本校焉凡增訂其訛脫毋慮數

十百處惜也節文僅得其十之七不能盡校

其全為可恨耳

萬曆三十六年三月十八日清常道人識





卷之十一  
 三十八日  
 陳氏春秋後傳  
 卷之十一  
 三十八日  
 陳氏春秋後傳



